

## **Nakorsaatit pissassaaitut ator neqartartut ilaasa inerteqqutaanerat pillugu Inatsisartut peqqussutaat nr. 7, 31. maj 2001-imeersoq**

Kalaallit Nunaanni Peqqinnissamik Isumaginnittoqarfik pillugu inatsimmi nr. 369-imi, 6. juni 1991-imeersumi §§ 1 aamma 3 naapertorlugit aalajangersarneqarpoq:

**§ 1.** Nakorsaatit pissassaaitut ator neqartartut ilaat makku Inatsisartut peqqussutaanni pineqarput:

- 1) Anabole steroidit.
- 2) Testosteronit taakkunangalu suliaasunit (derivater), aammalu atortussianik assigisaannik (androgen) sunniuteqartut.
- 3) Hormonit alliatortitsissutit.
- 4) Erythropoietinit atortussallu qassinik ukioqarnermut suaassutsimullu nalinginnaasumik pingaarutillit qaangerlugit aammi aap akui aappalaartut amerlassusiisa annertusineqarnissaannut sunniutaasartunut assingusut.
- 5) Atortussat makkunanga annertuumik pilersitsisut peersitsisulluunniit
  - a) hormonit alliatortitsisut.
  - b) testosteronit taakkunangalu suliaasunit (derivater), aammalu atortussianik assigisaannik (androgen) sunniuteqartut imaluunniit.
  - c) erythropoietini akoqanngitsoq.

**§ 2.** Nakorsaatit pissassaaitut ator neqartartut nakorsaatitut sorlernut allanut peqqussutip matuma atuunnissaanut Naalakkersuisut aalajangersagaliornissaminnut piginnaatinneqarput.

**§ 3.** § 1-imi aamma § 2-mi nakorsaatit pissassaaitut ator neqartartut nakorsaatit pineqartut nakorsaasiarineqassanngillat, eqqunneqassanngillat, anninneqassanngillat, tuniniarneqassanngillat, tunniunneqassanngillat agguanneqassanngillat pigineqaratilluunniit nappaammik pinaveersaartitsinermt katsorsaaneermulluunniit ator neqarneri eqqaassanngikkaanni imaluunniit ilisimatusarnermik siunertaqarneq eqqaassanngikkaanni.

*Imm. 2.* Imm. 1-imi nappaammik pinaveersaartitsinermt katsorsaaneermulluunniit atuneq inuinaat eqqarsaatigalugit nakorsap nakorsaatinik atueqqusineratut pissaaq.

*Imm. 3.* Aalajangersakkami imm. 1 eqqarsaatigalugu immikkut ittumik akuersissuteqarneq Naalakkersuisunit nalunaarutigineqarsinnaavoq. Immikkut ittumik akuersissuteqarnissamut atugassarititanik erseqqinnerusunik Naalakkersuisut aalajangersagaliorsinnaapput.

**§ 4.** § 3, 1-imik unioqqutitsisoq imaluunniit § 3, imm. 3-p aappaani atugassarititanik pineqartunik unioqqutitsisoq akiliisitaasussanngorlugu arsaarinniffigisassanngorlugu eqqartuunneqarsinnaavoq.

*Imm. 2.* Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiilluni ingerlatseqatigiiffik assigisaalluunniit unioqqutitsisimasoq akiliisitaasussanngorlugu arsaarinniffisassanngorlugulu eqqartuunneqarsinnaavoq.

§ 5. Inatsisartut peqqussutaat atuutilissaaq ulloq 1. juli 2001.

*Namminersornerullutik Oqartussat, ulloq 31. maj 2001*

Jonathan Motzfeldt

/

Alfred Jakobsen